

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Broj: 10/E-11-5787/25
Sarajevo, 23-10-2025 godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama BiH („Službeni glasnik BiH“, broj 39/14, 59/22 i 50/24) (u daljem tekstu: Zakon), člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-164/25 od 05.03.2025. godine (u daljem tekstu: Komisija III), u postupku javne nabavke radne odjeće za uposlenike Općine Centar, putem konkurentskog zahtjeva za dostavu ponude, uz primjenu e-aukcije (Zapisnik broj: 10/E-11-5787/25 od 20.10.2025. godine), Općinski načelnik donosi:

O D L U K U **o poništenju postupka javne nabavke**

I

Poništava se postupak javne nabavke radne odjeće za uposlenike Općine Centar, putem konkurentskog zahtjeva za dostavu ponude, uz primjenu e-aukcije iz razloga što primljena ponuda nije prihvatljiva.

II

Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.

III

Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke radne odjeće za uposlenike Općine Centar, pokrenut je Odlukom o pokretanju postupka javne nabavke, putem konkurentskog zahtjeva za dostavu ponude, uz primjenu e-aukcije, broj: 10/E-11-5787/25 od 06.10.2025.godine. Postupak javne nabavke nije podijeljen na lotove. Procijenjena vrijednost nabavke bez uračunatog PDV-a iznosi 12.815,00 KM. Obavještenje o nabavci broj: 848-7-1-117-3-207/25 od 07.10.2025. godine objavljeno na Portalu javnih nabavki (www.ejn.gov.ba). Tenderskom dokumentacijom i Obavještenjem o nabavci određen je rok za prijem ponuda 20.10.2025. godine do 10:00 sati. U krajnjem roku za predaju ponuda koji određen tenderskom dokumentacijom (20.10.2025. godine do 10:00 sati), na adresu ugovornog organa primljena je 1 (jedna) ponuda dostavljena od ponuđača „EURO VEZ“ d.o.o. Jelah Tešanj, što je evidentirano u Zapisniku o otvaranju ponuda, broj: 10/E-11-5787/25 od 20.10.2025. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude, kako slijedi:

RB	PONUĐAČ	Ukupna cijena bez PDV-a	Popust	Ukupna cijena sa popustom i bez PDV-a
1.	EURO VEZ d.o.o. Jelah Tešanj	12.808,00	-	12.808,00

Nakon izvršenog javnog otvaranja ponuda, na zatvorenom sastanku, Komisija III je ponudu ponuđača EURO VEZ d.o.o. Jelah Tešanj ocijenila nepravilnom, u smislu člana 2. stav 1) tačka 3) Zakona o javnim nabavkama („Službeni glasnik BiH“, broj 29/14, 59/22 i 50/24).

Naime, uvidom u dostavljene uzorke, Komisija III je konstatovala sljedeće:

Redni broj 1. – MUŠKA KOŠULJA – dostavljen uzorak na kojem nije moguće pronaći gramažu (110-130 g/m²).

Redni broj 4. – MUŠKO ODIJELO – dostavljen uzorak na kojem nije moguće pronaći gramažu (min. 250g/m²), na sakou, u dijelu podstava - ne piše sastav, Pantalone – ponuđeni sastav: 30% viskoza, 67% poliester i 3% likra, a traženo je 60% poliester i 40% vuna).

Redni broj 5. – MARAMA – dostavljen uzorak na kojem nije naznačeno mašinsko pranje min.30C bez gubitka oblika i boje.

Redni broj 7. – SAKO - dostavljen uzorak na kojem nije moguće na osnovi utvrditi traženi sastav (poliester 100%, antistatička i prozračna) .

U skladu sa utvrđenim Komisija III je zaključila da je ponuda neprihvatljiva.

Odredbom člana 69. stav (2) tačka d) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

U skladu sa navedenim, Komisija III je na sjednici održanoj dana 20.10.2025. godine, putem javnog glasanja, jednoglasno donijela odluku kojom Općinskom načelniku, rukovodiocu ugovornog organa, predlaže da na osnovu člana 69. stav (2) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24) donese odluku o poništenju postupka javne nabavke radne odjeće za uposlenike Općine Centar, o čemu je sačinila Zapisnik o pregledu i ocjeni ponuda broj: 10/E-11-5787/25 od 20.10.2025. godine.

Općinski načelnik u postupku predmetne nabavke nije našao razloge niti nepravilnosti u radu Komisije III koji bi bili osnov za neprihvatanje prijedloga Komisije III, te je u skladu sa članom 70. stav (1) i (4) Zakona o javnim nabavkama donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove Odluke. Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri).

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-5787/25 od 20.10.2025. godine



Dostaviti:

1. Ponuđaču: "EURO VEZ" d.o.o. Jelah, Tešanj, Rosulje broj 82, 4246 Tešanj
2. Kabinetu općinskog načelnika – Odsjek za javne nabavke
3. Službi za zajedničke i tehničke poslove
4. U spis